

անցան: Եւ զմնացորդն դէմ եղեալ անցան զմիջով քաղաքիս՝ ի տան մեծ էֆէնտուն երթալ այնպիսի մեծաւ փառօք, որ ի կողմս արեւմտեան էր մօտ պարբսպին և դրանն այնմիկ որ կոչի Անդրիանու:

գ. Եւ յետ անցանելոյ սմին եկն և մասձախն ի պետաց ոմանց յառաջ երթալ, և ապա մանկունք նոցին զինուք դասս դասս, և զարգարեալ էին զոչխարսն և զայծիսն դիպակով և ծիրանով և զեղեցկագունիցն սակէջուր և սուսերակալ կամար գօտօք յոսկոյ և ոսկէզօժ դաշնակօք ի գօտիսն բարձեալ, արարեալ զեղջիւրսն ի հաճոյս աչաց հայեցուածոց: Եւ զմտահանսն հանդերձ բեռամբ մտոյ ոչխարացն և արջառացն, և ընդ նոսա պետքն հանդերձ թմբկօք¹⁾ և փողով, անդ արարեալ զաւրհնութիւն թագաւորին և անցանէին զքաղաքովն երթալ յայն տեղի ի տան էֆէնտուն: Եւ ընդ այսմ բանակիս էր եւս մոմն, զոր ի վերայ ըզտուն նստեալ մանուկ մի գնոյն զործէր:

դ. Եւ ապա եկն տէլլալն և ընդ նմա քեհեա Պէգէստանին. նոքա ևս զինուք և զրահիւք: Պաշտի, փաշաճի և չօմէկէկի:

ե. Եւ ապա եկն բանակ մրգածախացն որ ասի պապարճի. առաջի սոցա երթայր չորպաճի չարտախին և ապա պետքն և ապա զօրք մանկանցն դաս դաս զինուք և զրահիւք և թախթ և դահս շինեալ, վարդովք եւ մրգովք զտրդարեալ եւ Բ խանութ լցեալ մրգովք ի վերայ ըզտուց, որ տղայքն ծախէին զմիրզան և նաւ մի քարչեալ տանէին լի բարեօք, և ընդ նոսա զօլօղլանիքն եկեալ և մուղթասիպն զկնի՝ փողով և թմբկօք²⁾ և բեռամբ իւրեանց: Եւ ընդ այսմ բանակիս էր խառն պախալն և զաղանճի և տօքմէճին և Եաղճին մերկ մարմնով, զտիկ իւզոցն արք Բ դա-

1-2) թմբօք.